

# Killiliussap sivitsorneqarnera: Avatangiisinut, Pinngortitamut, Nukissiuutinut Iisimatusarnermullu Naalackersuisoqarfimmi ilisimasassarsiornermut allaffiup IT-lerinermut siunnersorti imaluunniit ilinniarnep saniatigut suliffimmi ikiorti (piffissami ullup ilaa)

Qinnuteqarnissamut killigititaq: 2. august 2026

Ulloq sulilerfissaq: Isumaqatigiissuteqareernerup kingorna

Sumiiffimmi suliffik: Nuuk

## Digitalimik paasissutissiikkut ilusilersuillaqqippit aamma atorfissaqartitanik ujartuinissamut ajornaallisitsisinnaavit?

Ullup ilaannik sulisussamik suliffiup nittartagaanik, aaqqissuussaaneermik, imarisaanik aammalu atuisunut pitsaasumik atorneqarsinnaaneramik suliaqarnissamik kajumissuseqartumik– aammalu digitaliusumik aaqqiissutit ulluinnarni pitsaasumik atorneqarnissaanut nuannarinnittumik sulisussarsiorpugut. Uatsinni atorfigisassat pingaaruteqassaaq, ilisimasassarsiorniarluni qinnuteqartut paasissutissanik eqqortunik nassaarsinnaanissaannik aamma digitaliusumik suleriaatsit paasiuminartumik aammalu pitsaasumik ingerlassuseqarsinnaassallutik.

## Atorfik pillugu

Pinngortitamut, Avatangiisinut, Nukissiuutinut Iisimatusarnermullu Naalackersuisoqarfiup ataani ilisimasassarsiornermut allaffiat Kalaallit Nunaanni sumiiffinni ungasissuni angalanernut qinnuteqaatinik aqutsisuvoq. Tamatumani Sermersuakkut ikaarnernik aamma takornariaqarnermut atatillugu sammisaqarnerit allat, Kalaallit Nunaata avannaani kangianilu Nunap Allangutsaaliukkap iluani umiarsuakkut takornariartitsinerik kiisalu ilisimatusarnermik ingerlatsinerik imaqarpoq.

Sammisaqarnerit amerliartuinnartut misigaarput paasissutissallu ersarissut kiisalu digitaliusumik aaqqissuusat pitsaasumik atuuttut pisariaqartinneqarput. Taamaattumik nittartagatsinni aamma qinnuteqaatilerinermullu suliassanik tapertaasussamik suleqatissarsiorpugut.

Atorfik pingaarnerusumik tassaavoq digitaliusunik pioreersunik aserfallatsaaliuineq, aaqqissuussineq aammalu pitsanngorsaaqqinneq, programmiliortarneq imaluunniit nutaamik ineriartortitsineq pinnagu.

Ulluinnarni ingerlatseqataalissaatit, tassani paasissutissat nutartikkat, paasiuminartut aammalu nunami namminerik kiisalu nunanit allanit qinnuteqartunut atorneqarsinnaasut qulakkeernissaannut peqataassallutit.

Atorfik sapaatit akunnerannut akunnerit 10 missaani suliffiusassaaq.

## Suliassatit

- IT-mut attuumassuteqartunik, allaffissornikkut aammalu attaveqatigiinnermut tunngasunik suliaqassaatit, ilaatigut:
- Ilisimasassarsiornermut allaffiata nittartagaanik nutarterineq aserfallatsaaliuinerlu <https://expeditionsgreenland.gl/>
- nittartakkap aaqqissuusaanera, imarisaq ilitsersuutilu, ajornanngitsumik nassaarineqarsinnaanissaa paasiuminartuunissaalu
- linkit, allagaatit immersugassallu eqqortumik atuunnersut qulakkiissallugu
- qinnuteqartut eqqarsaatigalugit atuisussanut naleqqussaaneq aamma paasiuminarsaaneq
- nittartakkatigut qinnuteqarnissamut suliassanik tapertaaneq
- atuisut nittartagaanni qanoq atuisarnerannik misiliilluni, kukkunerit imaluunniit paasiuminaatsut suunersut paasiniarlugit
- nittartakkap imarisanik ikkussuineq, oqaatsitigut kukkunerisuiineq aammalu pitsaassutsimik qulakkeerinnineq

- digitaliusunik filinik, immersuiffissanillu aamma ilitersuutunik aaqqissuussineq
- digitaliusunik suleriaatsit ingerlaavartumik pitsanngorsarneqarnissaannut peqataaneq
- nittartagaq, IT kiisalu digitaliusunik allaffissorneq pillugit suliasat takkussuuttunik assigiinngitsunik suliaqarneq

### Ujarpatsigit

- aaqqissuussamik sulisinnaasoq aammalu sukumiisumik eqqummaariffeqartoq
- paasissutissat pisariusut paasiuminernerulersissinnaavatit aamma atuisunut naleqqussarsinnaavatit
- nittartakkanik, digitaliusunik systeminik aammalu allagaatinik atuneq sungiusimavatit
- nammineeertutit sulisinnaavutit aamma suliasat aallartitat naammassillugit suliarisinnaavatit
- paasiniaarusussuseqarputit, aaqqiissutaasinnaasunik ujartuisarputit aamma aperinissaminut tunuarsimaartuunngilatit
- oqaatsitigut allakkatigullu paasiuminartumik aammalu erseqqissumik attaveqateqarsinnaavutit

**Oqaatsitigut piimasaqaatit:** Kalaallisut, qallunaatut, aammalu tuluttoorsinnaanissamut ajunngitsumik piginnaasaqarnissaq.

CMS-systemimut, nittartakkanut, nittartakkatigut qinnuteqaatinut imaluunniit digitalikkut allaffissornikkut misilittagaqarnissaq iluaqutaassaaq, piimasaqaataangillalli.

### Kina qinnuteqarsinnaava?

Atorfik assigiinngitsunut nalequppoq:

- IT-mut, attaveqatigiinnermut, allaffissornermut imaluunniit assingusumik ilinniartuunissat
- inuit isertitaminnik allanik tapertaqarnissamik kissaateqartut
- suliffimmik ingerlatsinerminni ukiuni kingullerniittut, akunnerit ikinnerusunik sulisarnissamik kissaateqartoq
- illit, nittartakkanik imaluunniit digitaliusumik allaffissornermik misilittagaqartutit aammalu suliffimmik ilaannakortumik suliaqarnissamik kissaatigisaqartutit

Pingaarnepaavoq, peqqissaartuusutit, aalajangersimasumik sulerusussuseqartutit aammalu aaqqissuussineq, imarisat kiisalu atuisunut pitsaasunik digitaliusunik aaqqiissutinik suliaqarnermik kajumissuseqartuusutit.

### Neqeroorutigaarput:

- sapaatip akunneranut akunnerit 10 missaani suliffik (ilaannakortumik atorfik)
- suliffissat piffissat aalajangersimasut isumaqatigiissuteqarnikkut allanngorsarsinnaasut
- nittartagaq, nittartakkatigut qinnuteqartarfirmut kiisalu suleriaatsit pillugit ilinniartitsineq
- digitaliusunik suliasanik aalajangersimasunik oqartussani suliaqarnissamut periarfissaq
- atuisunut pitsaanerulersitsinissamut aammalu paasissutissanik ersarissaanissamut pingaarutilimmik inissisimaneq
- sulisoqarnermik pikkorissunik, suleqatigiilluartunik aammalu attaveqatigiinnermi pisariitsumik periuseqartunik suleqateqarneq
- sulisut atugarissaanissaanut, suleqatigiinnermi aammalu akisussaaffeqarnermi pingaartitsisumi suliffik.

### Uagut pilluta

Pinngortitaq pillugu immikkoortortaqarfik Avatangiisinut, Pinngortitamut, Nukissiuutinut Ilisimatusarnermullu Naalakkersuisoqarfimmippoq. Naalakkersuisoqarfimmi sulisut 40-t missaaniippot suliasaqarfinnut assigiinngitsunut agguataaqallutit nunatsinnilu suliasat qitiusutut suliaralugit.

Uatsinni suliffiup avatangiisai immikkut ittumik pitsaassuseqarluarnerup, suleqatigiinnerup aammalu pisariitsumik attaveqatigiinnerup malunnaateqarput, tassani ikioqatigiinneq aammalu ilisimasanik avitseqatigiinneq pingaaruteqarlutik.

### Ilisimasaqarnerorusuppit?

Immikkoortortami pisortaq Mettelise Fritz Hansen attavigiuk oq. +299 34 52 57 imaluunniit e-mailitigut: mtha@nanoq.gl.

#### **Akunermut sulffiusussat**

Agguaqatigiisillugu sapaatip akunneranut akunnerit 10-t sulisassaait.

#### **Aningaasarsiatigut atorfinitsitaanermilu atugassarititaasut**

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

Qinnuteqartoq uppersaatalinnik piginnaasalik immikkut siunnersortit, siunnersortit pisortaatus siunnersortaanertulluunniit isumaqatigiissutit naapertorlugit atorfinitsinneqarsinnaasarpoq.

#### **Najugaq**

Atorfimmut atatillugu sulisunut inissiamik innersuussisoqarsinnaangilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppersaatatit kiisalu paasisutissat allat pisariaqarsinnaasut "qinnuteqaat nassiuguk" toorlugu nassiutikkut.

*E-mail-ikkut qinnuteqaatinik tigusineq ajorpugut.*